



## 魏文瑞先生墓志铭

先生吾滇之耆宿也，东西与余相距将千里。曩於吾友孝廉何公讳绍濂处，知其与公同年同告授京衔，而道其德行文学，余过其里，辄凭式敬之。及余就养镇南学署，亲其道范，更悉其平生，乃益知先生非独一乡之善士，实国家之耆硕，后代之典型焉。先世君镇南积行累德而笃生翁，童试冠军，二十食饩，考居一等十二次，第一七次，举优行三次，当时额其门者曰：“文行兼优”，席止之珍，学品可钦，盖亦知人能得士哉。乾隆己卯登乡荐，逮四十八年春，予告授国子监典簿，亦与何公同事。先生平生慎言行，笃实不欺；事父母，敦行不怠。余闻诸乡老曰，魏公少时出就外传，每朝夕归，必亲整老亲卧具，然后退而力学。此其定省之常，抑亦非庸人孺子所能日习者，惟其事亲孝则百行有源，敦宗敬友，谦己下人，好善乐施，行之苦性成耳。而闭户著书，不干外事，不入公廷，故萧牧伯赠以“特一清标”之匾。前后牧伯，皆谓其有澹台灭明之风也。若夫教授生徒五十余年，苦以心血，从事游泮者三百余人，补廩岁荐者二十余人。余初晤翁，赠以俚联曰：“我亦闻风生景仰，士皆薰德而善良。”今久而益信也。两举乡饮大宾，额曰：“维国之琛”。又曰：“槐衙耆宿”。其与余谓滇之耆宿同而不诬矣。翁寿八十有四，四代同堂，诚盛矣哉。德配毛氏孺人，义之公女，希天公妹，幻适价翁，孝事翁姑，勤劳内助，方翁二十有一，劳症未愈，剜股救之。忆昔所谓貌次於

姨，岳翁欲以姨易。翁方七岁而不从者，亦天定佳偶，德隆於貌也矣。惜乎男方三岁，而即靡依也。余览其行述而为之志。并铭曰：

玉之沉矣 不坠其光 兰之萎矣 不殒其芳  
淑人君子 其德孔彰 宜尔子孙 浸炽而昌

敕授文林郎知山西洪桐县事加四级又军功加一级随带纪录十三次云南戊子科解元年家眷同学弟窦晟顿首拜  
撰

嘉庆三年岁在戊午季冬月中浣之吉

墓在南华县水盘铺，碑高 88 厘米，宽 54 厘米。楷书直行，窦晟撰书，清嘉庆三年（1798 年）立。

魏藩，镇南州水盘铺人。清乾隆乙卯（1735 年）科举人。《志》载：公“性静穆，不干外事”。讲学于州西白龙寺，经年不入城市，邻近诸邑皆有从学者，其教人也“以立品为先，文艺为后。”碑载，在白龙寺教学五十余载，培养了三百多名学生。乾隆四十八年钦授“国子监典簿”名誉职务。至今魏氏后人魏学林家中仍保留大书“文魁”金字大匾。